

BOSNA I HERCEGOVINA  
FEDERACIJA BOSNE I  
HERCEGOVINE  
TUZLANSKI KANTON  
OPĆINA ČELIĆ  
OPĆINSKI NAČELNIK



BOSNIA AND HERZEGOVINA  
FEDERATION OF BOSNIA AND  
HERZEGOVINA  
TUZLA CANTON  
ČELIĆ MUNICIPALITY  
MUNICIPAL MAYOR

Tel: 035/668 650

Fax: 035/668 672

Broj: 02-45-3017/21

Čelić, 29.11.2021. godine

A. Izetbegovića 60-2. 75246 Čelić

E-mail: [opcelic@gmail.com](mailto:opcelic@gmail.com)

Na osnovu člana 72. stav 3, tačka b), člana 25. Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 39. Statuta Općine Čelić („Službeni glasnik Općine Čelić“ broj: 3/17), na Preporuku Komisije za nabavku broj: 02-45-3017/21 od 29.11.2021.godine, u postupku javne nabavke radova na projektu “Redovno održavanje lokalnih puteva na području Općine Čelić”, Općinski načelnik donosi:

### **ODLUKU**

#### ***o dodjeli ugovora trećerangiranom ponuđaču***

#### **Član 1.**

Prihvata se Preporuka Komisije za javnu nabavku broj: 02-45-3017/21 od 29.11.2021.godine i Ugovor o izvođenju radova na projektu “Redovno održavanje lokalnih puteva na području Općine Čelić”, dodjeljuje se trećerangiranom ponuđaču d.o.o. „Papillon“ Koraj-Čelić, ponuda zaprimljena na protokol ugovornog organa dana 22.10.2021.godine, po ponuđenoj cijeni, a nakon održane e-aukcije, u iznosu od 188.800,00 KM bez PDV-a.

#### **Član 2.**

Ponuđač iz člana 1. ove Odluke je u ponudi broj: 110/21 dostavio originale ili ovjerene kopije dokumentacije navedene u Tenderskoj dokumentaciji broj: 02-45-3017/21 od 01.10.2021. godine.

#### **Član 3.**

Prijedlog ugovora o nabavci dostavit će se na potpis izabranom ponuđaču iz člana 1. ove Odluke po isteku roka od 15 (petnaest) dana, računajući od dana od kada su svi ponuđači koji su učestvovali u predmetnom postupku nabavke obaviješteni o izboru najpovoljnije ponude.

#### **Član 4.**

Ova Odluka stupa na snagu danom donošenja i objavit će se na web stranici općine Čelić, u skladu sa članom 70. stav (6) Zakona o javnim nabavkama („Službeni glasnik BiH“ broj: 39/14), istovremeno sa upućivanjem iste ponuđačima koji su učestvovali u predmetnom postupku javne nabavke.

#### **Član 5.**

Ovom Odlukom stavlja se van snage Odluka o dodjeli ugovora drugorangiranom ponuđaču broj 02-45-3017/21 od 15.11.2021.godine za javnu nabavku “Redovno održavanje lokalnih puteva na području Općine Čelić”, koja je donesena od strane općinskog načelnika.

## Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-45-3017/21 od 29.09.2021. godine. Javna nabavka radova na projektu "Redovno održavanje lokalnih puteva na području Općine Čelić" provedena je putem otvorenog postupka. Procijenjena vrijednost javne nabavke iznosila je 200.000,00 KM bez PDV-a. Obavještenje o nabavci broj: 306-1-3-86-3-25/21 objavljeno je na Portalu javnih nabavki dana 01.10.2021. godine.

Komisija za javne nabavke imenovana Rješenjem broj: 02-45-3017/21 od 29.09.2021. godine, nakon provedenog postupka otvaranja ponuda u skladu sa članom 63. Zakona o javnim nabavkama („Službeni glasnik BiH“ broj: 39/14), dostavila je ugovornom organu – općinskom načelniku Zapisnik o pregledu i ocjeni ponuda broj: 02-45-3017/21 od 22.10.2021. godine, Preporuku o izboru najpovoljnijeg ponuđača broj: 02-45-3017/21 od 29.11.2021. godine i Izvještaj o radu komisije broj: 02-45-3017/21 od 29.11.2021. godine

U postupku po Izvještaju o radu je utvrđeno da je Komisija za javne nabavke blagovremeno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku javne nabavke pristigle ukupno tri ponude i to: d.o.o. „Papilon“ Čelić, Grupa ponuđača: „MI-TRADE“ d.o.o. Vražići, i „KUW-ING“ d.o.o. Kalesija, i „Arapovac putevi“ d.o.o. Čelić,
- da su blagovremeno primljene tri ponude,
- da nije bilo neblagovremeno primljenih ponuda,
- da ponude d.o.o. „Papilon“ Čelić, Grupe ponuđača: „MI-TRADE“ d.o.o. Vražići i „KUW-ING“ d.o.o. Kalesija, te „Arapovac putevi“ d.o.o. Čelić ispunjavaju kvalifikacione uslove predviđene Tenderskom dokumentacijom, te su ocijenjene kao kvalifikovane i prihvatljive.

Pregledom i ocjenom ponuda uočene su računске greške kod ponuđača d.o.o. „Papilon“ Čelić i grupe ponuđača: „MI-TRADE“ d.o.o. Vražići i „KUW-ING“ d.o.o. Kalesija, te je istim dostavljen Zahtjev za prihvatanje ispravke računске greške, broj: 02-45-3017/17 od dana 26.10.2021. godine. Saglasnost za prihvatanje ispravke računске greške od strane d.o.o. „Papilon“, Čelić broj: 01/21 od dana 29.10.2021. godine dostavljena je u ostavljenom roku. Saglasnost za prihvatanje ispravke računске greške od strane Grupe ponuđača „MI-TRADE“ d.o.o. Vražići, i „KUW-ING“ d.o.o. Kalesija broj: 01/21 od dana 29.10.2021. godine dostavljena je u ostavljenom roku.

Obzirom da je tenderskom dokumentacijom za predmetnu nabavku predviđeno provođenje e-aukcije, Komisija je predložila ugovornom organu da istu zakaže dana 03.11.2021. godine u 14:45 h. Ugovorni organ je proveo e-aukciju u zakazano vrijeme i dostavio Komisiji izvještaj o toku i završetku e-aukcije od 04.11.2021. godine u 07:45 h. U izvještaju je kreirana konačna rang lista ponuđača koji su učestvovali u e-aukciji, prema kriteriju najniže ponuđene cijene, a po kojoj je najpovoljniji Grupa ponuđača „MI-TRADE“ d.o.o. Vražići i „KUW-ING“ d.o.o. Kalesija sa najnižom ponuđenom cijenom od 74.300,00 KM.

Komisija je nakon ocjene ponuda i izvršene e-aukcije dana 05.11.2021. godine dala preporuku ugovornom organu da ugovor o izvođenju radova zaključi sa Grupom ponuđača „MI-TRADE“ d.o.o. Vražići, i „KUW-ING“ d.o.o. Kalesija sa najnižom ponuđenom cijenom od 74.300,00 KM bez PDV-a.

Općinski načelnik donio je Odluku o izboru najpovoljnijeg ponuđača broj 02-45-3017/21 dana 05.11.2021.godine, kojom je ugovor o izvođenju radova na projektu "Redovno održavanje lokalnih puteva na području Općine Čelić" dodijelio Grupi ponuđača „MI-TRADE“ d.o.o. Vražići, i „KUW-ING“ d.o.o. Kalesija. Navedeni ponuđač je blagovremeno dostavio Obavijest dana 11.11.2021.godine, u kojoj navodi da odustaje od potpisivanja ugovora, navodeći aktuelnu situaciju izazvanu pandemijom COVID-19, nedostatak radne snage i ranije preuzete poslove kao razlog za odustanak.

U skladu sa navedenim, Komisija je dana 15.11.2021. godine dala preporuku ugovornom organu da ugovor o izvođenju radova zaključi sa drugorangiranim ponuđačem, „Arapovac putevi“ d.o.o. Čelić, sa najnižom ponuđenom cijenom od 75.000,00 KM bez PDV-a.

Općinski načelnik donio je Odluku o dodjeli ugovora drugorangiranom ponuđaču broj 02-45-3017/21 dana 15.11.2021.godine, kojom je ugovor o izvođenju radova na projektu "Redovno održavanje lokalnih puteva na području Općine Čelić" dodijelio ponuđaču „Arapovac putevi“ d.o.o. Čelić. Navedeni ponuđač nije postupio po članu 2. Odluke o dodjeli ugovora drugorangiranom ponuđaču, te isti nije dostavio originale ili ovjerene kopije dokumentacije navedene u Tenderskoj dokumentaciji broj: 02-45-3017/21 od 01.10.2021.godine.

U postupku donošenja ove Odluke, posebno su cijenjene činjenice da je Komisija izvršila ocjenu kvalifikovanosti ponuđača, te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Iz navedenih razloga, primjenom člana 64. stav (1). tačka b), Zakona o javnim nabavkama Bosne i Hercegovine („Službeni glasnik BiH“ broj: 39/14), člana 72. stav 3, tačka b) istog Zakona, člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj: 103/14) i člana 39. Statuta Općine Čelić („Službeni glasnik Općine Čelić“ broj: 3/2017), odlučeno je kao u članu 1. ove Odluke.

#### **Uputstvo o pravnom lijeku**

Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke. Žalba se podnosi Ugovornom organu u pisanoj formi direktno ili preporučenom poštanskom pošiljkom i to u najmanje tri (3) primjerka.

Dostavljeno:

1. Ponuđačima
2. Komisiji za nabavke
3. Službi za računovodstvene poslove
4. Za općinsku web stranicu
5. Evidenciji
6. Arhivi



OPĆINSKI NAČELNIK

Admir Hrustanović, dipl. oec